



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 110. Hussus ad rogum deductus, & combustus.

[urn:nbn:de:hbz:466:1-66272](#)

Sæcul. XV.
A.C. 1415.

§. CX.

Hussus ad rogum deductus, & combus tus.

*Reichental
p. 206.*

Peracta degradatione, Imperator Electori Palatino negotium dedit, comprehendenderet Hussum, eumque judicum manibus consignaret. Ergo Constantiensi Magistratui traditur, a quo unacum vestibus, cunctisque, quæ secum ferebat, ad rogum damnatur; Lictores urbis lata sententia illico eum prehendunt, atque ad locum supplicii per plateam Episcopalis palatii deducunt, eo consilio, ut ipsius suos libros comburi conspiceret. Transiens populum alloquitur, affirmans, se non propter hæresin, sed per inimicorum fraudes ad supplicium rapi. In egressu identidem Psalmos recitare, & nomen JESU invocare audiebatur, semper invitum animum, atque ementitæ pietatis speciem præferens: cumque sacræ pœnitentiæ administrum postularet, accurrit quidam Sacerdos, nomine Udalricus Schorand, scientiæ ac probitatis fama clarus; quoniam vero hic Husso declarabat, illum a se criminum vinculis exsolvi haud posse, nisi prius errores, ob quos damnatus esset, revocaret, respondit Hussus: non opus est mihi confessione, nullius enim peccati gravis me reum

reum agnosco. Postea, ubi ad populum Sæcul. XV.
verba facere parabat, Palatinus Elector A.C. 1415.
carnificem monuit, sententiam exeque-
retur.

Ergo ad palum hunc in finem terræ
infixum alligatur, vultu ad occasum ver-
so, circumcirca disponuntur ligna ad com-
burendum; antequam vero subderetur
ignis, Elector Palatinus necnon Comes
de Oppenheim Imperii Marescallus Hus-
sum adeunt, illumque denuo hortantur,
ut errores suos revocaret, vitæ suæ con-
sulturus. Ast cum ille a sua hæresi
nullius persuasu, atque precibus dimove-
ri posset, quin imo se sanguine suo do-
ctrinam, & scripta confirmaturum decla-
raret, Elector ab eo discessit. Tunc
liktores accendunt ligna, & densus flam-
marum turbo, venti impetu in faciem
Hussi impulsus, os obduravit, animamque
extrusit. Cineres ejus sollicite collecti,
in Rhenum projecti sunt, ne discipuli, e-
jusque sectatores, velut reliquias illos
in Bohemiam transferrent. Atque Æn. Sylv.
hist. Boh.
neas Sylvius ait: Hussitas ex eo solo ter-
ram abstulisse, in quo ignis fuit, eamque ve-c.36. p.75.
lut rem sacram secum attulisse in Pa-
triam. Idem Auctor subjungit: Nemo
Philosophorum tam forti animo mortem per-
tulisse traditur, quam iste Hæresiarcha in-
cendum.